

Kommune Qeqertalimmi **Ilaqutariinnik Sullissivik Qaammaavik** nutaaq tassaavoq saaffiginniiffissap ataasiinnaanissaanik nutaaliornikkut pilersinneqartoq. Sullissivimmut katersorneqarput sullissinerit pingaaruteqartut, ilaallutik kingunerluuteqarsimasunik katsorsaaneq, perorsaanermit tarnikkullu suliassat pillugit atuarfinnik suliffeqarfinnillu suleqateqarnerit aamma peqqissartitsinissamik neqeroorutit.

Taamaaliorneq innuttaasunut pisariillisaaneruvoq, tassami maannamiit ataasiinnarmut saaffiginnittoqarsinnaalermat, ilaqutariinnut inunnullu ataasiakkaanut unammillernartunik isumaginninniarnaq pisariinnerulersillugu. Qaammaavik aqutigalugu qulakkeerneqarpoq innuttaasut ataatsimoornerusumik ataqatigiinnerusumillu ikiorneqarnissaat.

Ilaqutariinnik Sullissivik Qaammaavik nutaaq Aasianni qullersaqarfeqassaaq, saniatigulli Kangaatsiami, Qasigianguani aamma Qeqertarsuarmi Ilaqutariit Illuini pioreersuni sulisut pikkorissut pimoorussisullu sinniisorissallugit. Immikkoortortat akornanni taamatut ataqatigiinnerup pissutsit makku innuttaasunut siuarsassavai:

- **Pisariillisaaneq tikikkuminassuserlu:** Kommunimi Immikkoortortaqaqarfinnut attavissanullu arlalinnut saaffiginneqattaanngikkaluarluni, innuttaasut maanna ataasiinnarmut saaffiginnissinnaalerput. Tamatuma eqqortumik ikiorneqarnissap nassaarinissaa ajornannginnerulersippaa, innuttaasullu piffissamik sipaassapput.
- **Toqqissisimaneq annertunerusoq:** Sullissinerit ataatsimut katersorneqarputa, suliassap ingerlanera innuttaasumut paasiuminarnerulersillugulu naatsorsuutigiuminarnerulersinneqassooq. Tamanna toqqissisimanermik anginerusumik misigisaqarfiussooq, innuttaasut ilisimassammassuk suliaq aallaqqaataaniit naammassinissaata tungaanut isumagineqassasoq - immikkoortortaqaqarfinnut assigiinngitsunut ingerlateqattaarneqarani.
- **Qulakkeerrinneq qaffasinnerusoq:** Qitiusumik saaffiginnittarfeqalerneratigut qulakkeerneqassaaq innuuttaasut piginnaatitaanertik tunngavigalugu ikiorneqarnissaat, suliallu ingerlanerani paatsooqatigiissinnaanerit annikillisinneqassallutik, innuttaasut piginnaatitaaffiit kingunerlutsitsisinnaangaluartut.
- **Ataqatigiissitsineq ataatsimullu isiginninneq:** Sullissinerit assigiinngitsut tapertareqatigiissinnerisigut soorlu kingunerlutsitsisunik katsorsaaneq,

perorsaanikkut tarnikkullu oqaloqateqarluni imaajaqatigiittarneq, ilaqutariinni aqqutissioqatigiinneq il.il. innuttaasut unammillernartitaat sammivinnit assigiinngitsunit isiginnilluni suliarineqarsinnaassapput. Tamanna ataatsimoornerusumik isiginnilluni uummaarinnerusumillu suliap ingerlanneqarnissaanik periarfissiissaaq.

- **Attaveqaqatigiinneq suleqatigiinnerlu pitsaanerusoq:** Ilisimasallit susassaqtut sullissinerillu ataatsimut katersornerisigut ilisimasanik atorluannaissaaq siuarsarneqassaaq. Tamatuma qulakkiissavaa innuttaasut atugaat pillugit ilisimasanik pingaarutilinnik avitseqatigiissinnaaneq, katsorsaaniarlunilu pilersaarut eqqornerusoq uummaarinnerusorlu pissarsiaralugit.
- **Ingerlatsinermut tatiginninneq annertunerusoq:** Kommunip saaffiginnittarfimmik pilersitsisimanagera misigigunikku, pisariaqartitaminnik ataatsimoortumik uummaarissumillu sullinneqarnissaminnut ilusilersorneqarsimasumik, tamatuma pisortat ingerlatsinerannut tatiginninnerat annertunerulersissavaa.

Ataatsimut eqikkarlugu Kommune Qeqertalimmi **Ilaqutarinnik Sullissiviup Qaammaaviup** nutaap innuttaasut akimmisaartinneqannginnerunermik, toqqissisimanagermik qularnaatsumillu misigisissavai, namminneq inuttut ataasiakkaatut inissisimaffimminnik tapersorsorneqarlutik paasineqarlutillu misigitillugit.